


**SV BRITANNIA A TITULA
CAMPEON DI COPA ABC
NA BONEIRO**



WWW.SOLODIPUEBLO.COM



SOLODIPUEBLO@GMAIL.COM

POLIS HERIDA, SOSPECHOSO DETENI Y ARMA DI CANDELA HAYA



MUCHANAN A HACI RETO DI TIK TOK NA SCOL: A BEBE REMEDI MESCLA CU SPRITE PA DROGA NAN MES

Varios mucha manda hospital



LAGA NOS SPLICA WENDRICK CECILIA KICO TA INEPTO, CORRUPTO, DESAGRADABEL Y PUTRI

"STUDENTENFLAT DEN ORANJESTAD TA BIRA UN REALIDAD"



AQUALIVE POOL TECHNOLOGY ta busca Pool technician

Pa mas informashon
por yama na 5831133

Organo Ehecutivo AZV ta informa:

TRASPASO AUTOMATICO DI PASHENT DI DOKTER E. BODERIE

E contracto entre OE AZV y dr E. Boderie ta termina 31 di augustus 2024. OE AZV ta gradici dokter di cas E. Boderie pa tur su añanan di servicio y dedicacion na e aseguradonan di AZV. Ta desea dr. E. Boderie tur clase di exito den su siguiente reto y etapa di bida.

Traspaso automatico
OE AZV ta responsabel pa servicio medico sigui y pa e motibo aki ta haci un traspaso automatico. Entrante 1 di september 2024 tur asegurado registra cerca dr. E. Boderie

ta pasa automaticamente pa ImSan HOED, Pastoor Hendrikstraat 10, telefon 5248730. Esaki ta nifica cu e asegurado no tin nodi haci nada, tur cos ta keda regla digitalmente.

Con por wak e cambio?
Entrante 1 di september 2024 e asegurado ta wak e traspaso automatico via e AZV app. Ta habri e AZV app cu bo codigo pin y drenta e bloke Menu ☐ e Dunadonan di Cuido di ...☐ Dokter di cas ☐ E dokter di cas di ...

No ta di acuerdo
Solamente den caso cu no ta di acuerdo cu e traspaso automatico aki, e ora por cambia di dokter di cas di propio interes. Tene cuenta cu e ora bo mes mester pidi pa un aprobacion di e dokter di cas (firma di dokter) cu abo ta desea. E dokter di cas y bo persona ta firma e formulario “Cambio di Dokter di Cas”. E dokter di cas mes of su asistente ta manda e formulario pa OE AZV. Despues por wak e cambio den e AZV App ora cu bay na: Menu☐Dunado di cuido ☐E dunado di cuido



di bo persona☐Doctor di cas☐Eynan bo ta wak e doctor di cas nobo.

Recomendacion
AZV ta recomenda tur asegurado pa download e AZV app y asina registra pa bo digi ZorgPas. Bo persona ta bay den Google

Play Store of Apple Store pa download door di primi e boton “install”. Sigui e preguntanan pa registra pa bo digi ZorgPas. Den caso cu bo no ta logra, libremente por comunica cu nos pa haya ayudo via klantenservice@uoazv.aw

SETAR TA ORGUYOSO DI CONTRIBUI NA E STUDENT DEVELOPMENT FUND DI UNIVERSIDAD DI ARUBA



Diamars mainta e team di SETAR tabata presente na Universidad di Aruba pa entrega un check di Donacion hopi significativo.

SETAR pa di tres año consecutivo ta contribui cu AWG 10.000 na e Student Development Fund di Universidad di Aruba. Un fondo cu ta wordo uza pa yuda studiantenan di Universidad di Aruba cu tin necesidad pa ayudo financiero durante nan estudio, por ehempel, pa costonan relata na nan estudio, costonan di vivienda of pa stage den exterior.

SETAR ta un partner di Universidad di Aruba pa

hopi año, aportando na diferente proyectonan di studiantenan y iniciativanan di Universidad di Aruba manera e Student Thesis Award. Ademas, nos coleganan di SETAR tambe ta aporta cu conocimiento como guest speaker na diferente facultad.

Pa SETAR, como nos compania nacional di telecomunicacion, ta importante pa aporta continuamente na e futuro di nos isla y e generacion cu ta bin por medio di



sosten na educacion, innovacion y colaboracion. Ademas, SETAR ta sigui cu su compromiso pa conecta tur nos scolnan na Aruba

riba e infraestructura di Fiber, contribuyendo asina tambe cu e futuro di tecnologia den educacion.

LAGA NOS SPLICA WENDRICK CECILIA KICO TA INEPTO, CORRUMPTO, DESAGRADABEL Y PUTRI

Recientemente Wendrick Cecilia di AVP a usa palabranan fuerte manera "inepto," "corrupto," "desagradabel," y "putri" pa describi e gobierno di MEP. Ta necesario pa pone e terminonan den su contexto propio y duna Wendrick un les.

"Corupto" ta bo colega Benny Sevinger, cu a wordo sentencia pa un huez pa su implicacion den acto di corrupcion. Si bo ta buska corrupcion, mira bo propio partido, cu tin hende condena den su fila cu ta un ehemplo cla di esaki.

"Inepto" ta esnan cu a crea un debe gigantesco pa nos pais, pone Aruba den un trayecto peligroso di probresa y inestabilidad economico. Nan

decisionnan financiero a resulta den un carga tremendo riba lomba di pueblo, cu ta sinti e efecto di esnan cu tabata den poder. Inepto no ta palabra corecto pa MEP, pero mas bien pa esnan cu a maneha e pais pa yega na e situacion aki.

"Desagradabel" ta esnan cu ta hiba nan discurso na un nivel tan abou, cu vulgaridad y falta di respet. Hende cu ta yega hasta na tal punto na nan retorica ta muestra un falta di respet pa nos pueblo y pa e sistema democratico.

E retorica cu Cecilia a usa den su discurso ta un muestra cla di esaki, falta di contenido

constructivo y mas enfoca riba ofensa personal.

"Putri" ta un partido cu no solamente a brasa corrupcion, pero cu te awe no a distancia ni a disculpa na pueblo pa e daño cu nan a causa. Un partido cu ta ciega su miembronan pa proteha nan mes no ta nada mas cu un simbolo di un sistema cu ta caduca y rico di corrupcion.

Na un pais democratico, retorica manera di Wendrick Cecilia ta mereci un contesta basa riba realidad. Palabra fuerte mester wordo refuta y rementa cu hecho, no solamente cu mas palabra sin base.

Minister Endy Croes:

SV BRITANNIA A TITULA CAMPEON DI COPA ABC NA BONEIRO



Diabierna ultimo, Minister di Enseñansa y Deporte Endy Croes a ricibi ekipo di SV Britannia cu a titula campeon di Copa ABC na Boneiro. SV Britannia ta nos campeon di Division di Honor 2023-2024 y bay representa Aruba na Boneiro den Copa ABC di 15 pa 19 di augustus ultimo.

Un total di cuater (4) team a participa, esta Real Rincon campeon di Boneiro, Vespo subcampeon di Boneiro, Young Colombia campeon di Corsou

y Britannia campeon di Aruba. Den final Britannia a hunga contra Young Colombia di Corsou y a derota Young Colombia cu e score di 2-1 y asina titula campeon di Copa ABC. E gol a keda anota pa e hobennan deportista Peter Susebeek y Fernando de Sousa.

Prome biaha den historia cu Britannia ta gana Copa ABC y den nomber di Gobierno di Aruba, e mandatario di Deporte a otorga e medaya di 4D. Sr. Reinaldo Geerman cu ta forma parti di



directiva di SV Britannia a indica cu den final Britannia tabata perdi 1-0, pero cu disciplina y determinacion di e team a logra gana e wega y trece e copa Aruba.

Minister Endy Croes a gradici e presidente, coach, directiva y henter e ekipo di SV Britannia cu a representa Aruba dignamente den Copa ABC na Boneiro. Alabes ta felicita nan cu e gran triunfo aki. Cu disciplina, deseo, dedicacion y determinacion ta logra.

MINISTER ENDY CROES TA DESEA ELLIOTT LOONSTRA HOPI EXITO DURANTE WEGANAN PARALIMPICO PARIS 2024

: Minister di Enseñansa y Deporte Endy Croes ta desea e hoben atleta Elliott Loonstra hopi exito na Weganan Paralimpico 2024 cu lo tuma luga na Francia, Paris. Siman pasa, e delegacion Paralimpico Aruba a biaha pa Paris y diaranson, 28 di augustus 2024 A inicia cu e competencianan. Esaki

ta e di dos biaha cu Elliott Loonstra ta representa Aruba den Weganan Paralimpico.

Prome cu su biahe, el a obsekia Minister Endy Croes e uniform oficial cu e lo uza durante Weganan Paralimpico.

‘Nos ta hopi orguyoso di

bo, paso bo a demostra varios biaha caba cu bo por esaki’, Minister Endy Croes a expresa. Pa finalisa, e mandatario di Deporte a gradici Elliott pa e bunita detaye y ta desea tanto Elliott y staf cu ta compañand’e hopi exito. Cu disciplina, deseo, dedicacion y determinacion ta logra.



Prome Minister Evelyn Wever-Croes

GOBIERNO DI ARUBA A FIRMA PRESUPUESTO 2025

Diaranson 28 di Augustus, 2024 ta un dia importante y grandi pa loke ta trata e ciclo financiero di pais Aruba. E presupuesto 2025 a wordo firma pa ministernan y ta na caminda pa wordo entrega na Parlamento. Segun ley e presupuesto mester wordo entrega prome of mas tarda 1 di September di cada año. Mirando cu e fecha ta cay riba un fin di siman e año aki, Minister di Finanzas a pone e presupuesto como prioridad pa caba cu ne y entregue na Parlamento prome cu e fecha di 1 di September.

Prome Minister a indica cu na momento cu Gabinete Wever-Croes a drenta gobernacion na año 2017, tabata tin hopi

reto pa loke ta e situacion financiero di pais Aruba. Presupuestonan tabata wordo entrega tin biaha 6 luna despues cu año cuminsa y ya e presupuesto a wordo gasta. A tarda poco, pero ya pa un par di año e presupuesto ta wordo entrega na tempo, y e año aki hasta prome manera ley ta prescribi.

Importante den e presupuesto aki ta cu Gobierno a cumpli cu tur e normanan financiero cu a wordo palabra cu Hulanda y a wordo ancra den ley. E presupuesto ta wordo entrega cu un surplus cu ta cumpli cu e minimo di 1%, e ta dentro di e gastonnan di personal, y cu esaki ta bahando e debe di pais Aruba. E presupuesto ta



brinda tambe posibilidad pa mas inversion, y tin espacio pa inverti den poder di compra di e ciudadanonan.

Aruba ta bayendo den un rumbo hopi positivo, finanzas ta na orden, economia ta creciendo, turismo ta bayendo bon,

y desempleo y inflacion ta bahando. E meta di Gobierno ta pa traduci e progreso aki den bienestar di cada ciudadano di pais Aruba.

Prome Minister ta gradici Minister di Finanzas Xiomara Maduro pa su vision y determinacion pa

caba cu e presupuesto na tempo.

Tambe un danki na Departamento di Finanzas, y na tur e profesionalnan di Departamento di Legislacion (DWJZ), y tur e coordinadornan di presupuesto cu a haci esaki posibel.



Ministerio di Asuntunan Económico,
Comunicación y Desaroyo Sostenibel



FCCA

DESVELO DI PROME
STUDENTENFLAT
DEN ORANJESTAD

*Minister di Asunto Económico,
Comunicación y Desaroyo Sostenibel,*

**Sr. Geoffrey Wever
&
FCCA**

*orguyosamente ta anuncia e
traspaso oficial di ex OM gebouw
a tuma lugar. Un otro proyecto
mas den cuadro di revitalisacion
di nos centro di ciudad.*

Pabien Aruba!



Minister Dangui Oduber

ACUERDO ENTRE STIMAMI STERILISAMI Y TPEF A KEDA FIRMA AWE MAINTA PA FINANCIA PROYECTONAN DI E FUNDACION



– Diaranson mainta Minister di Turismo y Salud Publico, Sr. Dangui Oduber, den nomber di Tourism Product Enhandement Fund (TPEF), conhuntamente cu e president di Fundacion Stimami Sterilisami (FSS) sr. Biemans, a firma un acuerdo caminda ta bay duna sosten financiero na FSS. E fundacion aki ta pa yuda cu sterilisacion di cacho y pushi nan di caya y tambe pa yuda doñonan sterilisa nan mascotanan.

TPEF a keda funda na año 2010, e ta un fondo cu a wordo traha cu e proposito

pa inverti den proyectonan cu ta contribui na e mehoracion di e producto turistico di Aruba. E portfolio den cual TPEF ta inverti den proyectonan ta consisti di 6 categoria. Esakinan ta: Atraccion, Seguridad, Medio Ambiente, Herencia, Conscientisacion y Inversion. E partnership cu FSS ta forma parti di e categoría di conscientisacion.

Minister Dangui Oduber su maneho di turismo no solamente ta dirigi pa enfoka pa atrae turista di calidad, mehoracion di



servicio y embeyecemento di area turistico, pero tambe e ta basa pa crea un balans positivo pa e comunidad di Aruba incluyendo nos amigonan di cuater pia cu no tin un dak riba nan cabes.

Stimami Sterilisami ta dedica pa reduci e poblacion di bestianan sin hogar na Aruba. FSS su programa nacional ta di sterilisacion a yuda mas o menos 38,000 cacho y pushi desde 2016. E programa aki ta un pilar fundamental di nan mision pa ofrece servicio di sterilisacion y yuda animalnan ariba caya.

Stimami Sterilisami a forma partnership cu PawsUni y Animal Welfare Alliance Aruba (AWAA) pa financia nan iniciativa. E partnershipnan aki ta

permiti pa ofrece servicio di sterilisacion gratis pa barionan cu entradanan mas abou cu no tin manera pa paga esaki. Un danki special tambe na VSH Veterinary Specialty Hospital cu ta un socio importante unda cu a logra haya un deal special p cacho y pushi por sterilisa na un prijs mas razonabel.

Finalmente, Minister Oduber ta kere firmemente cu e manera con nos ta trata nos animalnan ta bisa hopi di nos como pais. Abase di esfuersonan y

programanan di FSS, den wowo di nos localnan y bishitantenan e ta eleva e imagen di e producto Aruba y ta cumpli cu e vision di Ministerio di Turismo.

E meta ta pa haci nos comunidad mas consciente riba e problema aki. Minister Oduber ta gradici e board di FSS pa tur e esfuerso riba e campananan di conscientisacion pa tene nos comunidad bon informa y pa sigui mehora bienestar di amigonan di 4 pata na Aruba.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

MUCHANAN A HACI RETO DI TIK TOK NA SCOL: A BEBE REMEDI MESCCLA CU SPRITE PA DROGA NAN MES

Varios mucha manda hospital

E tendencia preocupante cu ta circula riba TikTok ta muestra un claramente un caso di “monkey see, monkey do,” y na Aruba, nos ta teme cu e “monkey” ta muri si nos no tuma accion pronto. E reto peligroso di bebe un mescla di remedi cu sprite pa logra un efecto halto a yega na scol y ta trece riesgonan serio pa bida di nos mucha. Un sucedido reciente na EPB Hato a trese e realidad aki dilanti.

Den hora di merdia varios mucha—tres of mas— a bira malo despues di a bebe un likido misterioso cu nan a parti riba e tereno di scol. Nan a sconde e bebida y pas’e di man pa man, sin realisa e consecuencianan fatal cu por tin. Esaki a forsa ambulance y polis pa drenta den accion inmediato, pa transporta e muchanan cu urgencia pa hospital y pa investiga e situacion cu tabata desaroyando riba e scol. Maestronan a reporta e incidente mesora.

E reto di bebe un mescla cu tin syrup den dje—konosí komo “lean drink”—ta popular riba TikTok. E bebida ta wordu mescla cu sprite pa logra un efecto di haltura. Pero e peligro

ta real; e practica di benta e remedi den sprite por tin consecuencia fatal, manera ta muestra casonan cu a sosode den exterior.

Nos ta lamenta cu tin mucha cu kier sigui esaki na Aruba, pero si no para awo, lo ta lat pa nos.



CAREER SPOTLIGHT BY AHATA



THEN



NOW

ELEAZER CLEMENCIA

1998

Bellman

La Cabana Beach Resort and Casino

2020 - present

Director of Security and Surveillance

Eagle Aruba Resort

POLIS HERIDA, SOSPECHOSO DETENI Y ARMA DI CANDELA HAYA

Awe den oranan di mainta tabata tin un persecucion tras di un sospechoso di joyriding. E persecucion no a dura largo y Polis ta logra pasa e sospechoso y ta bay over na detencion. Durante e detencion e sospechoso a resisti fuertemente contra su detencion cu a resulta cu un agente Policial di Distrito di Noord a fractura su pia severamente.

Mientras tanto cu tur e luchamente e agentenan aki a logra detene e persona mientras refuerso policial tabata yega di tur skina

pa reforsa nan colega. Den fraccion di seconde hopi unidad ta yega na e sitio.

Na e sitio ta bin haya un arma di candela y bala cu a wordo tuma den beslag pa mas investigacion.

Polis forensico, recherche di Noord, cu refuerso di Polis Noord, Santa Cruz, Polisnan di bario, K-9 Unit y Motor Unit, Staff di Distrito di Noord Sr. Henriquez, comisario Candelaria y altocomisario di Polis drs. Ramon ARNHEM a yega na e sitio pa duna sosten.



E agente policial a wordo transporta pa Ambulance pa mas tratamiento avansa. E agente Policial di Noord ta den bon condicion

cu fractura na pia. Altocomisario Arnhem y comisario Candelaria a bishite na Hospital. Un pronto recuperacion na

nos agente policial di parti full bo famia blauw di Cuerpo Policial Aruba

Minister Rocco Tjon: INAUGURACION DI LOGO NOBO DI RESPALDO Y ASPIRACION PA CU 2030

- Diamars anochi, durante un anochi ameno, Minister di Husticia y Asuntonan Social sr. Rocco Tjon hunto cu tur stakeholder cu ta traha pa mehora cuido di salud mental na Aruba, a celebra e aspiracion di Respaldo pa cu 2030 y alabes a inaugura e logo nobo di Respaldo.

Segun minister Tjon, locual ta resalta for di e aspiracion pa cu 2030 ta, cu Respaldo kier sigui profesionalisa como organisacion y para pa "Bon servicio, tratamiento di calidad y colaboracion cu partners. Esaki por cierto ta alinia cu e maneho

nacional pa cu cuido di salud mental.

Banda di esaki, pa logra e metanan aki Respaldo lo bay enfoca tambe interno pa loke ta trata nan "bedrijfsvoering" y atencion pa nan personal. Cuido pa Salud Mental ta un materia compleho y pa e motibo ey nos tin un estructura nacional, nos ta traha hunto cu tur partners. Ta di e forma ey so nos por duna contenido na prevencion, cuido (basico y specialisa) y "nazorg".

E mandatario a expresa cu loke semper ta resalta,

y locual su persona ta mas orguyoso di dje ta, e pasion cu e profesionalnan tin pa eleva e calidad di cuido di salud mental. Den cuadro di e maneho, cada organisacion tin su rol, y nos ta aplaudi e aspiracion pa sigui mehora, profesionalisa y optimalisa e rol aki cu Respaldo ta responsabel p'e.

Por ultimo, a gradici Respaldo como organisacion, pero mas aun tur e Profesionalnan cu ta traha cu un pasion inmenso pa impacta e bida di nan clientenan na un manera positivo.



Prome Minister Evelyn Wever-Croes

Gobierno di Aruba a partner cu FCCA

LO INVERTI ALREDEDOR DI 4 MIYON FLORIN PA CONSTRUCCION DI 19 APARTAMENTO PA STUDIAN TENAN



Diamars anochi, Prome Minister Evelyn Wever-Croes tabata presente na e desvelo di e proyecto pa construi "studentenflats", apartamento pa studiantenan. E apartamentonan aki lo wordo construi na e edificio na unda antes tabata Ministerio Publico, Departamento di Asuntonan Economico, y un tempo Banco Central, pero pa años caba e edificio aki ta bandona. Prome Minister a indica cu desde Gabinete Wever-Croes a drenta Gobierno, a enfoca mas na desaroya

centro di ciudad y busca edificionan cu ta di Gobierno y bandona, pa asina duna nan un proposito nobo.

Pa cu e construccion di apartamentonan pa e studiantenan, Gobierno di Aruba a partner cu FCCA, cu a kere den e vision di Gobierno pa revitalisa centro di ciudad. FCCA ta haci un inversion di mas o menos 4 miyon florin pa construi 19 apartamento. E apartamentonan aki ta pa e studiantenan cu ta bin di afo pa studia na Universidad di Aruba, pero



tambe pa studiantenan local cu mester di un luga pa biba.

"Mi ta gradici FCCA pa kere den e vision di Gobierno y pa nan "partnership" den haci e proyecto aki realidad. Mi ta spera cu e colaboracion aki, inspira mas partners den sector priva pa yuda den loke ta revitalisacion di centro di ciudad.

Un danki na Minister Geoffrey Wever cu e logro aki, y tambe na Departamento di DIP y DOW cu a traha duro pa haci esaki posibel. Por ultimo mi ta gradici e pueblo en general pa e confiansa deposita den nos Gobierno.

Na momento cu nos a wordo eligi, pueblo a pidi nos pa saca Aruba di e pandemia y stabilisa e economia, y

nos a logra esaki, tambe pueblo a pidi pa yuda nos isla tin progreso y bienestar y esaki ta loke nos ta trahando riba dje.

E enfoka aworaki ta pa trece progreso y bienestar den cada rincón di nos pais, e ta nos compromiso y nos lo sigui haci nos maximo esfuerço pa cumpli cu ne tambe", Prome Minister a expresa.

Accidente pa falta di preferencia banda di Mariniers Kazerne na Savaneta



Diamars mainta a drenta informe di un accidente banda di Mariniers Kazerne na Savaneta, mesora

a dirigi un patruya na e sitio. Na yegada di e patruya a bin compronde cu aki ta

trata di un accidente pa falta di preferencia. Afortunadamente ningun hende a resulta herida.



Transishon 'suave' di Aruba pa Kòrsou:

Buddylove e kantante di mas nobo pa ICONS

WILLEMSTAD/ Un cambio totalmente inesperá pa ICONS; maneho di e banda ta anunsiá su atkisishon di mas nobo den persona di Jair 'Buddylove' Versprey. "Nos ta masha kontentu ku Buddylove



a skohe pa ICONS. Na momentu ku tabatin apertura pa un kombersashon tokante di un posibel kolaborashon internashonal den futuro ku KJ74 Entertainment, ámbos partido a yega na otro tambe pa kolaborá den islanan ABC. Esaki a tuma lugá den Ikóniko dia 5 di yüli último. Primeramente e kolaborashon a inisiá komo un "featuring", pero masha lihé a bin haña otro i krea un sinergia pa un kolaborashon mas largu. E trayekto a kana lihé, spontanio i totalmente inesperá.", esaki di akuerdo ku maneho di ICONS, Kenley Jansen i Efrem Mambi. Ademas di djòin ICONS, Buddylove lo kuminsá un trayekto internashonal tambe ku maneho di KJ74 Entertainment.

Algun siman pasá ya kaba Buddylove a komentá den un podcast ku e ta habrí pa un kolaborashon ku KJ74 i a te asta antisipá un "featuring", sinembargo e horizontenan ta

amplia aun mas tantu pa Buddylove. "Masha dia mi mes personalmente tabata ke un cambio di senario; Kòrsou ta serka di Aruba, serka di kas, mi famia i mi fanátikonan. E mudansa pa Kòrsou ta yega manera un aire fresku p'ami; mi gusta Kòrsou un mundu i fanátikonan YDK ta lagami sinti na kas. E amor pa Aruba hamas lo kambia. Mi ta realmente entusiasma ku e komienso nobo aki," asina Jair 'Buddylove' Versprey a komentá.

Buddylove ta un tremendo kantante i un intérprete total! Na 2017 e'la presentá fenomenalmente den Idols na Ulanda, i despues a debutá na Aruba den algun otro agrupashon musikal pa despues forma parti di Buleria. Ku binida di Buddylove den ICONS, e tim ta fortifiká ku un artista hóben, moderno, i versatil ku por kanta di balada, te soca, i for di tumba te ritmo kombiná, género musikal latino i mas ayá! E promé presentashon di Buddylove den ICONS lo ta den "Umbrella" dia 28 di sèptèmber próksimo na Landhuis Chobolobo, ku e aña aki lo tin e tema "Circus". E kombinashon di Buddylove, Icons i KJ74 Entertainment por bira algu impaktante pa nos islanan ABC, sigur konsiderando e pasonan firme ku ta tumando internashonalmente. Por mira esaki próksimamente ku Ir Sais, tambe Amos Balentin ku a surpasá 1 mion views ku e salsa "No Me Namoro" i Rafik ku aktualmente tin 5.1 mion views pa "Tukun". Ta invitá fanátiko- i siguidónan pa suskribí n'e kanal di KJ74 Entertainment riba YouTube i sigui sostené nos artistanan.

MEGA SALE - MEGA SALE - MEGA SALE

50% DESCUENTO RIBA TUR SHIMIS CORTIKO Y LARGO REGULAR SIZE Y PLUS SIZE

AUGUSTUS 29-30-31 / 9.30AM - 6.30PM
SEPTEMBER 1 / 10AM - 2PM

SHAYE BOUTIQUE
POS CHIKITO 110

5841600

Aqualive Pool Technology ta busca Pool technician pa mas informashon por yama na 5831133

Miho bringadonan di Ultimate Union Festival



Den fin di siman Chaco Taekwondo Academy a organisa Ultimate Union Festival y varios scol di Taekwondo na Aruba a participa.

Master Melvin Rasmijn, Master Miguel Genser y Master Yoshmar Wever ta contento cu e evento den su totalidad unda un biaha mas e refereenan bou guia di Master Eric Barry a scoge e miho bringadonan.



Na final di e evento Master Eric Barry a anuncia e miho bringado masculino Reshawn Nicholson di Chaco Taekwondo Academy y e miho bringado femenino a bay pa Tamara Erasmus di Chaco Taekwondo Academy.

gradici tur hende pa nan participacion na nan evento di Ultimate Union Festival. Keda pendiente pa e proximo evento di Chaco Taekwondo Academy.

Xamier Lake di San Nicolaas Taekwondo Center a bira e overall best fighter di e evento di Ultimate Union Festival.

Master Melvin Rasmijn a



Desconosidonan a destrui windshield di Nissan March staciona den Edisonstraat



Diamars mainta a drenta informe di un caso di destruccion den Edisonstraat, mesora a dirigi un patruya na e sitio.

Na yegada di e patruya a bin

compronde cu aki ta trata di destruccion di e windshield di un Nissan March cu tabata staciona. Esaki lo a sosode entre e anochi pa mainta. Polis a tuma keho di e destruccion aki.

Diabierna a alerta doño di compleho di apartamento di pos cu a bay over y diamars atrobe a bay over te demasiado y boet a cay



Diamars mainta a drenta informe na polis di bario Oranjestad cu atrobe tin un viesedad den Celsiusstraat causa pa un pos cu a bay over causa daño na e ca-

minda y molester na e habitantenan.

Mesora polis di bario a bay na e sitio y ta corda cu diabierna e doño di e com-

pleho di apartamento den Edisonstraat a priminti di chica e pos pero parce cu e doño no a haci nada y polis a bay boet e basta pisa pa e daño y molester causa.



FILOMENA COLLEGE MAVO A YAMA TUR MUCHA BON BINI

Filomena College Mavo na San Nicolas a yama su alumnonan un bon bini na aña escolar 2024 – 2025



pa cada nivel escolar. Pa Ciclo Basico 1 a organisa un encuentro social na Centro di Bario Brazil unda cu e alumnonan a hunga varios wega popular cu otro. Ciclo Basico 2 a tene un bustrip bishitando varios lugarnan turistico di Aruba manera Lighthouse, Casibari Rock Formation y Bushiribana. Ciclo Avansa 1 a haya les di desaroyo propio den Theresita Center duna p'e maestro Marvin Odor. Un curso di fotografia uzando nan celular a ser brinda y cu esaki nan a haya e.o. e tarea di saca potret di e bida di cada blachi di mata di naturalesa.



Ciclo Avansa 2 a tene un dia deportivo social na Eagle Bowling. Riba e potretnan por mira algun di e alumno- y nan maestronan na e respectivo actividadnan. Directorado y e team di maestronan ta sumamente agradecido na cada mayor y alumno pa e confiansa deposita den nos y ta desea tur, tur clase di exito e aña aki.



E prome siman, e scol a cer'e cu algun actividad

COMPETENCIA FEBIAR

BOLA 8 TA DEN FUL SWING!



Tanki Leendert - E palacio di biyar aya na Tanki Leendert, net n’e segundo piso dje luga caminda e mucha muhe cabey cora ta hasa “chicken”, ta manera un neishi mari-bomba den e dianan aki cu actividadnan di biyar. No solamente tin e torneo p’e barbachinan di 60+, pero tambe tin e candeloso competencia di FEBIAR bola 8 pa ekipo. Un evento cu t’ey tur aña den lunanan di augustus te october. Cos tabata hot ultimo dianan aki, y p’esey ban pa duna un recap di locual a pasa.

Steelers ta gana di chiripa di Gladiators cu score di 5-4! Un bataya sumamente emocionante caminda te na ultimo Emil a dicidi e encuentro na fabor di Steelers. Mester menciona cu dado momento Gladiators tabata gana cu 3-1, pero un caminda e gladiatornan a cuminsa dal den hero duro. Bataya a empata na 4-4, y aki ta caminda Emil a duna “Spartacus” su boleto pa cas.

Un wega cu a bay estilo “masacre” tabata esun di Barracuda, kende a baha style di piranha riba e pover cachonan brabo di Mad Dogs. Kayay kayay a skeiro rond y e cachonan a retira malamente mordi ora Barracuda a dal nan 5-0! Otro team cu a haya un sota “sin piedad” tabata e ekipo di No Mercy! “Zonder medelijden” e team di Mongoose a raspa nan cu score monster di 5-0! Ban a wo p’un encuentro epico! Mongoos ta bay “till the end” cu e Gladiatorsnan, y den un berdadero “thriller” ta logra gana cu score di 5-4! Aki e heroe dje anochi pa Mongoose tabata “Terrible from Catiri” Jorge Petrochi, kende a dal “Gladiator Omarum Acostus” cu 2-0, pa dje moda ey “close the

deal” pa Mongoose! Otro bataya impac-tante tabata e encuentro “biblico” entre Barracuda vs Steelers, caminda Barracuda a logra “edge” Steelers cu score di 5-4! He-roe pa Barracuda e anochi ey tabata Mar-lon Tromp, kende a pone Ari Jansen bira standbeeld cu score di 2-0, pa asina cera e anochi cu victoria. Por ultimo, No Mercy keto bay ta hayando palisa sin misericordia wega tras di wega. E biaha aki ta Mad Dogs ta suta nan cu score di 5-1!

Y Shonnan, cosnan no ta cla ainda! Dia-bierna awo, 30 di augustus, lo ta bay tin “high tension” aya na Tanki Leendert ora Gladiators enfrenta Barracuda; Mongoose confronta Mad Dogs, y Stellers baha sin piedad riba No Mercy! Weganan ta cum-insa 7:35 di anochi, y entrada pa pueblo en general ta completamente gratis! Yegaaa!

Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447



OLIVE TREE'S PRE-PAID FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm
Olive Tree Social Department ☎ (+297) 743 7411
www.olivetreefuneralhome.com

SUDOKU

	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

	7			2			4	6
	6						8	9
2			8				7	1
	8	4		9	7			
7	1						5	9
			1	3			4	8
6	9	7			2			8
	5	8					6	
4	3			8			7	

Minister Geoffrey Wever:

"Studentenflat den Oranjestad ta bira un realidad"



Diamars atardi, 27 di augustus, durante un evento ceremonial, den nomber di gobierno di Aruba, Minister Geoffrey Wever simbolicamente a traspasa e ex edificio di OM pa Fundacion Cas Pa Comunidad Arubano(FCCA), cual lo bai ehecuta e proyecto.

Parti di e vision di Minister Geoffrey Wever ta pa mas hende cuminsa biba y frecuenta den centro di Oranjestad. Pa logra esaki, e rescate di edificionan bandona den nos centro di ciudad ta esencial. "Gobierno di Aruba como propietario di diferente edificio den Oranjestad mester ta e ehempel y awe nos ta hasiendo esaki"segun minister Geoffrey Wever. Solamente cu sosten di sector priva gobierno por logra trese cambionan grandi manera esun aki. Asina aki trece bek e bida cu nos tur kier mira den Oranjestad.

"Mi ta sumamente orguyoso cu awe nos por firma e traspaso di e edificio di ex-OM cu FCCA," Minister Wever a cuminsa ta bisa".

E iniciativa specifico aki ta forma parti di un esfuerzo di mas cu 2 ana y awe nos ta wak e frutonan amplio den revitalisacion e centro di Oranjestad. Poco poco nos lo trece bida bek den centro di nos capital."

FCCA lo bai converti ex edificio di OM den 19 vivienda pa estudiante cu lo brinda e posibilidad na tur esnan interesa di establece nan mes den centro di ciudad den un espacio nobo y accesibel pa tur estudiante. Den e mesun edificio aki lo acapara 3 espacio comercial den cual diferente tipo di actividad comercial ta proyecta pa bini. Un inversion di FCCA di aproximadamente 4.5 milyon Florin.

Minister Wever ta comprometi pa revitalisa e curason di nos capital, y transforma espacionan bandona den oportunidadnan nobo pa desaroyo economico. Oranjestad ja por conta cu diferente edificionan renoba manera esunnan di Aruba Fair Trade Authority(AFTA) un entidad nobo cu Minister Wever a establece na Aruba pa

garantisa comercio husto y di calidad. Alavez, a muda FREEZONE tambe den Caya Grandi. Na comienso di e ana aki a cuminsa cu renovacion di Cas Veneranda unda lo bai bira e cas nobo di Departamento di Asuntonan Economico cu tambe ta resorta bou di Minister Wever.

Cumpliendo asina cu su compromiso pa trese tur departamentonan cu ta resrtoa bou di dje den nos centro di ciudad.. Departamentonan di gobierno BIE y SEDECO tambe ta den proceso pa muda den november den edificio di ex-Interbank, mientrastanto tin combersacionnan andando referente e futuro desaroyo di e warda di polis na Wilheminastraat cual actualmente ta abandona y mester ser rescata" - minister Wever.


Comienso di Wilhelminastraat a haya un facelift y pronto lo cuminsa cu Fase 3 cu ta situa den area di Lagoen caminda lo amplia parkeo rond di area y lo instala den cooperacion cu N.V. Elmar, "charging stations" pa autonan electrico.





























Mientrastanto ta ehecutando un siere di proyectonan grandi ta sigi cu instalacion di lusnan nobo y barinan di desperdicio, mantencion di vegetacion y planta nobo caminda tabata necesario.

" Oranjestad a haya su debido atencion durante e ultimo ananan y nos ta con-

ciente cu tin muchu mas pa hasi pa por hiba nos ciudad bek na su gloria. Sinembargo, tur esfuerzonan hasi ta un muestra di nos compromiso pa duna contenido na nos vision di revitalisa Oranjestad, y nos ta agradecio y ta contento pa mira cu e ta dunando su frutanan".



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 28 Aug 2024 Merdia

<div><p>Sorteo # 4371</p><p>3294</p><p>2681</p><p>0815</p><div><p>X2</p><p>Sorteo # 4371</p><p>8045</p><div><p>FP</p><p>Sorteo # 2427</p><p>3966</p><div><p>Sorteo # 4371</p><p>6948</p><p>Leo</p><div><p>Sorteo # 1245</p><p>247</p><div><p>FP</p></div></div></div></div></div><div><table><tr><td><p>Sorteo #</p><p>0 x Jackpot</p><p>0 x Match 4+</p><p>0 x Match 4</p><p>0 x Afl. 12,00</p></td><td><table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">255.000,-</td></tr></table></td></tr><tr><td><p>Sorteo #</p><p>0 x Jackpot</p><p>0 x Match 4</p><p>0 x Afl. 8,00</p></td><td><table><tr><td colspan="2">Proximo Jackpot</td></tr><tr><td colspan="2">53.000,-</td></tr></table></td></tr><tr><td><p>Sorteo #</p><p>0 x Jackpot</p><p>0 x match 4</p><p>0 x Afl. 500,00</p><p>0 x Afl. 50,00</p><p>0 x Afl. 15,00</p></td><td><table><tr><td colspan="2">Mega Ball</td></tr><tr><td colspan="2">Proximo Jackpot</td></tr><tr><td colspan="2">900.000,-</td></tr></table></td></tr><tr><td colspan="2"><p>Afl. 1.350.000,-</p></td></tr><tr><td><p>Sorteo #</p></td><td></td></tr></table></div></div>	 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">255.000,-</td></tr></table>	Joker	Letter	Proximo Jackpot		255.000,-		 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p>	<table><tr><td colspan="2">Proximo Jackpot</td></tr><tr><td colspan="2">53.000,-</td></tr></table>	Proximo Jackpot		53.000,-		 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p>	<table><tr><td colspan="2">Mega Ball</td></tr><tr><td colspan="2">Proximo Jackpot</td></tr><tr><td colspan="2">900.000,-</td></tr></table>	Mega Ball		Proximo Jackpot		900.000,-		 <p>Afl. 1.350.000,-</p>		 <p>Sorteo #</p>	
 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">255.000,-</td></tr></table>	Joker	Letter	Proximo Jackpot		255.000,-																				
Joker	Letter																									
Proximo Jackpot																										
255.000,-																										
 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p>	<table><tr><td colspan="2">Proximo Jackpot</td></tr><tr><td colspan="2">53.000,-</td></tr></table>	Proximo Jackpot		53.000,-																						
Proximo Jackpot																										
53.000,-																										
 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p>	<table><tr><td colspan="2">Mega Ball</td></tr><tr><td colspan="2">Proximo Jackpot</td></tr><tr><td colspan="2">900.000,-</td></tr></table>	Mega Ball		Proximo Jackpot		900.000,-																				
Mega Ball																										
Proximo Jackpot																										
900.000,-																										
 <p>Afl. 1.350.000,-</p>																										
 <p>Sorteo #</p>																										

FOTALEZA PA FAMILIA

Scirbi pa Pastor Marcel Balootje.

SANTIDAD Y PERFECCION, PA MEDIO DI GRACIA Y AMOR DEN CRISTO HESUS

Tin hopi hende cu no ta realisa cu sin pas y sin santidad ningun hende lo mira cara di Dios.

Pasobra e reino di Dios, ningun hende por drenta manera nan kier, pero solamente ta wordo permiti esnan cu ta den boluntad di Dios.

E por zona duro, pero ta asina ta, Y Dios su palabra no ta cambia, Dios ta lus y den dj'E no tin nada, nada di scuridad.

Pesey Cristo Hesus ta bisa lo siguiente;

Pesey boso mester ta perfecto, mescos cu boso Tata celestial ta perfecto (Mateo 5:48).

Nos mester cana cu un curason perfecto dilanti di Dios.

Hesus a bise: Si bo kier ta perfecto, bay y bende bo propiedadnan y duna na e hende pover. Y lo bo tin tesoro den cielo y bin sigi Mi. (Mateo 19:21)

Pa nos sirbi Dios, nos curason mester ta cu Dios, y no mara na cosnan di mundo.

Epatras, kende ta un di boso, un sirbido di Hesus Cristo, ta manda saluda boso, semper luchando seriamente pa boso den su oracion, pa boso por para firme, perfecto, y completamente sigur den henter e boluntad di Dios. (Colosensenan 4:12).

Awor tempo cu Abram tabatin 99 aña, Señor a parece na Abram y bise: Mi ta Dios Todopoderoso, cana Mi dilanti y sea perfecto. (Genesis 17:1).

Tur escritura ta inspira pa Dios, y ta util pa siñansa, pa reprendemento, pa coreccion, pa educa den



husticia, pa e hende di Dios, por ta perfecto, ekipa pa tur bon obra.

Dios nunca ta pone un carga riba nos, cu nos no por carga, si Dios ta bisa pa nos busca santidad y perfeccion, ta pasobra e ta posibel pa nos logre.

Sushedad di mundu, corrupcion, malicia y inmoralidad a pone hopi hende kere cu nan no por biba den santidad cu un curason perfecto dilanti di Dios, y asina nan ta rechasa Dios, pa falta di conocimiento.

Tabatin un homber den e tera di Uz cu yama Job, Y e homber ey tabata perfecto y recto. Un hende cu tabata teme Dios, y cu tabata aparta su mes for di maldad. (Job 1:1)

Noe tabata un homber husto, perfecto, den su generacionnan : Noe tabata cana cu Dios. (Genesis 6:9).

Pesey laga nos tur cu ta perfecto tin e actitud aki, y si cualkier cos, boso tin un actitud diferente. Dios revela esey tambe na boso. Sin embargo laga nos sigi biba na mesun nivel cu nos a alcanza caba. (Filipensenan 3:15-16).

Dios ta yama nos pa cana den Su perfecto boluntad, no den inmoralidad, pesey Dios a yama nos pa cana den Santidad Su palabra ta bisa lo siguiente;

Pasobra Dios no a yama nos pa ta impuro, ma pa biba un bida santo. Pesey esun cu ta rechasa esaki, no ta hende e ta rechasa sino e Dios, cu ta duna Su Spirito Santo na boso.

Nos mester agrada Dios den tur cos, pasobra Dios no a yama nos pa cana den maldad y inikidad, pero den santidad.

Ma mescos cu Esun Santo cu a yama boso, boso mes tambe, sea santo den boso conducta: pasobra ta para scirbi: Boso lo ta santo, pasobra Ami ta ta santo. (1 Pedro 1:15).

Husticia di e hende perfecto lo dirigi su caminda, ma e malbado, lo cay pa medio di su mes maldad. (Salmo 11:5).

No cu mi a alcanza esaki caba, of cu mi a bira perfecto caba, ma mi ta haci tur esfuerso, pa mi por gara e loke pa cual ami tambe a wordo gara door di Cristo Hesus. (Filipensenan 3:12).

Ta tempo pa nos hala mas serca Dios y busca Su santidad, pa nos bida.



Obituario



Publica serka nos anuncio di fayecimento di bo ser keri.

Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na

585-9500 of na 741-4554

ORACION DI DIA



Un dia fructifero colma cu e bendicion y forsa di ariba y yena cu Spirito Santo

"Pasobra esun cu Dios a manda ta papia palabra di Dios; pasobra Dios ta dun'E Spirito Santo na abundancia." Huan 3, 34

Dios a manda Hesus pa siña cada un di nos con nos mester biba. Cu nos mester kere y obedece Dios. Kere

den Esun cu Dios a manda, acept'E y respet'E. Ta berdad cu nos ta biba riba e mundo aki pero nos no ta pertenece na e mundo aki. Nada di e mundo aki por duna nos e felicidad

berdadero. Solo Dios por haci e hende feliz. P'esey laga nos haci nos maximo esfuerso pa agrada Dios y biba di acuerdo cu Su santo boluntad.

Ban pidi Dios pa prepara nos pa ricibi Esun cu E lo manda for di shelo pa nos mescos cu E la baha riba Hesus riba dia di Su bautismo cu ta e

Spirito Santo di Dios. E ta Esun cu ta yuda nos y siña nos loke ta e berdad pa nos keda pertenece na Su reino y nos por ta e testimonio cu ta confirma cu Dios semper ta e berdad. Door di esey nos ta haya un bida nobo hunto cu Hesus cu a resucita canando riba e caminda di bida eterno. E unico caminda, berdad y bida cu ta hiba nos na salvacion.

Oracion: Tata Celestial duna nos e gracia pa acepta, kere y respeta Bo Palabra. Laga Bo Spirito Santo por baha riba nos y duna nos e uncion cu semper Bo tin warda pa nos. Amen.